

ՀԱՇՎԵՏՎՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՆՈՐԱԿԵՐՏ ԳՅՈՒՂԱԿԱՆ ՀԱՄԱՅՆՔԻ 2013 ԹՎԱԿԱՆԻ ՀՈՒԼԻՍԻ 10 -ԻՆ ԿԱՅԱՑԱԾ ԺՈՂՈՎԻ.

ՕՐԱԿԱՐԳ

ՆՈՐԱԿԵՐՏ ԳՅՈՒՂԱԿԱՆ ՀԱՄԱՅՆՔԻ ՂԵԿԱՎԱՐԻ ՀԱՇՎԵՏՎՈՒԹՅՈՒՆԸ ԳՅՈՒՂԱՊԵՏԱՐԱՆԻ 2013 ԹՎԱԿԱՆԻ ԱՌԱՋԻՆ ԿԻՍԱՄՅԱԿՈՒՄ ԾԱԿԱԼԱԾ ԳՈՐԾՈՒՆԵՈՒԹՅԱՆ ՎԵՐԱԲԵՐՅԱԼ.

Ձեկ. Համայնքի ղեկավար Շ. Կարապետյան

Ժողովին մասնակցում էին 39 մարդ.

Հայաստանի Հանրապետության Արմավիրի մարզի Նորակերտ գյուղական համայնքի

ղեկավար Շ. Կարապետյանը, ժողովի մասնակիցներին հակիրճ ներկայացրեց 2013 թվականի առաջին կիսամյակի ընթացքում գյուղապետարանի կողմից համայնքի տարբեր ոլորտներում իրականացրած գործունեությունը, անդրադարձավ առկա հիմնախնդիրներին, վեր հանեց թերություններն ու բացթողումները:

Համայնքի ղեկավար Շ. Կարապետյանը հարկ համարեց նշել, որ տարբեր օբյեկտիվ և սյուբեկտիվ պատճառներով մեծ է չմշակվող հողատարածքների տեսակարար կշիռը, որը կազմում է շուրջ 88.0% հանգամանք, որը խիստ մտահոգիչ է և միաժամանակ դժվարացնում է սեփական եկամուտների հավաքագրման գործընթացը: Համայնքի ղեկավարը նախ անդրադարձավ 2013 թվականի առաջին կիսամյակում բյուջեի կատարման հիմնական ցուցանիշներին, նշելով որ ապրիլի 23-ի լույս 24-ի գիշերը համայնքի վարչական տարածքի մի հատվածում տեղի ունեցավ ցրտահարություն, որի հետևանքով զգալի վնաս պատճառվեց հողի մի շարք սեփականատերերի, սակայն մարզում հետազայում տեղի ունեցած ահավոր կարկտահարության ֆոնի վրա այդ մասին չբարձրաձայնվեց: Այն իր բացասական ազդեցությունն ունեցավ նաև սեփական եկամուտների հավաքագրման ցուցանիշների վրա՝ որն առաջին կիսամյակի կտրվածքով ըստ առանձին եկամտատեսակների հետևյալ պատկերն է ներկայացնում:

Չ ՈՒ Ց Ա Ն Ի Շ Ն Ե Ր	Նախատեսված / հազ. դրամ/	Փաստացի / հազ. դրամ/	կատարման %-ը
Ընդամենը սեփական եկամուտներ	4764.0	2648.3	55.6
Հողի հարկ	1750.0	1224.0	69.9
Գույքահարկ	2754.0	1350.9	49.1

Տեղական տուրքեր	125.0	73.4	58.7
Գույքի օտարումից եկամուտներ	-----	-----	-----

Այնուհետև համայնքի ղեկավար Շ. Կարապետյանը հակիրճ կերպով անդրա - դարձավ 2013 թվականի առաջին կիսամյակի ընթացքում գյուղապետարանի կողմից իրականացրած հիմնական աշխատանքներին:

1. Տարրական դասարանների շուրջ 130 աշակերտների և «Նորակերտի մանկա - պարտեզ» ՀՈԱԿ-ի 65 երեխաների համար տոնական նվերների ձեռք բերում և բաժանում:
2. Կանանց մեկամսյակի առթիվ միջոցառումների կազմակերպում գյուղապետարանի, դպրոցի և գյուղապետարանի ենթակայության տակ գտնվող հիմնարկների կին աշխատակիցների համար հանդիսությունների կազմակերպումով:
3. Մասնակցություն և նվիրատվություն դպրոցում և «Նորակերտի մանկապարտեզ» ՀՈԱԿ -ում կազմակերպված տարատեսակ միջոցառումներին:
4. Համայնքի դպրոցի, աշխատակիցների մեկօրյա հանգստի կազմակերպում Դիլիջանում:
5. Համայնքի ազգաբնակչության մի հատվածին /Կոմիտաս փողոց/ ոռոգման ջրի մատակարարման ջրագծի հիմնանորոգում, երկաթյա խողովակների փոխարինում նորով:
6. «Նորակերտի մանկապարտեզ» ՀՈԱԿ-ի շենքի երկրորդ հարկի հյուսիսային հատվածի պատուհանների փոխարինում եվրոպատուհաններով:
7. Մանկապարտեզի համար անկողնային պարագաների / բարձերի / ձեռք բերում:
«Նորակերտի մանկապարտեզ» ՀՈԱԿ-ի շենքի երկրորդ հարկի մի հատվածում շերտավարագույրների անցկացում:
8. «Նորակերտի մանկապարտեզ» Հռակի շենքի բակի բարեկարգում:
9. «Նորակերտի մանկապարտեզ» ՀՈԱԿ-ի շենքի № 2-րդ հարկի մի հատվածի հիմնանորոգում, դռների փոխարինում նորով:
10. Համայնքի փոստային բաժանմունքին կից նախկին հեռախոսակայանի շենքի /հանգստի սենյակի / հիմնանորոգում և ներքին հարդարման աշխատանքների կատարում, դռների և լուսամուտների փոխարինում նորով:
11. Համայնքի գլխավոր փողոցների /Թումանյան և Կոմիտաս/ ցերեկային լուսավորու - թյան լամպերի ձեռք բերում :
12. Համայնքի սոցիալապես անապահով շուրջ 40 ընտանիքների սոցիալական օգնության տրամադրում
Համայնքի ղեկավարը հարկ համարեց նշել, որ համայնքը իր պատրաստակա մութիւնն է հայտնել մասնակցելու ներտնտեսային ոռոգման ցանցի հիմնանո-

րոգման որևէ ծրագրի՝ համաֆինանսավորման սկզբունքով, որի համար առանձնացվել է շուրջ երեք միլիոն դրամ:

Այնուհետև համայնքի ղեկավարը նշեց, որ չնայած կատարված զգալի աշխատանքներին, այնուամենայնիվ համայնքում շատ են տարիներ շարունակ իրենց լուծմանն սպասող մի շարք հիմնախնդիրներ, որի մեծ մասը համայնքը ի զորու չի իր սուղ միջոցներով իրականացնելու՝ դրանք են.

ա/ Համայնքի ներտնտեսային փողոցների վատթար վիճակը

բ/ Ոռոգման և խմելու ջրագծերի մաշվածության բարձր աստիճանը

Այստեղ հարկ է նշել, որ Ասիական զարգացման բանկի ֆինանսավորմամբ հավաստիացնում են, որ համայնքում մոտակա օրերին կսկսվի ներտնտեսային խմելու ջրագծերի նորով փոխարինման աշխատանքները, որին անհամբերությամբ սպասում է համայնքի ազգաբնակչությունը:

գ/ Դպրոցում մարզադահլիճի բացակայությունը

դ/ Համայնքի մշակույթի տան և մանկապարտեզի շենքի վերանորոգման հրատապությունը և այլն:

Ի դեպ վերջին երեք չորս տարիներին համայնքի սուղ միջոցներով ղգալի ներդրումներ են կատարվել մանկապարտեզի շենքի վերանորոգման ուղղությամբ, սակայն համայնքի ուժերով երկար ժամանակ կպահանջվի շենքը ամբողջովին նորմալ վիճակի բերելու համար:

Ելույթ ունեցան նաև դպրոցի տնօրեն Վ. Քոչյանը, «Նորակերտի մանկապարտեզ» ՀՈԱԿ-ի տնօրեն Ս. Ասատրյանը, բուժ ամբուլատորիայի տնօրեն՝ Բժշկուհի Ն. Աղախանյանը, որոնք իրենց խորին երախտագիտությունն արտահայտեցին գյուղապետարանի աշխատակազմին, հատկապես համայնքի ղեկավար Շ. Կարապետյանին իրենց ղեկավարած ոլորտների հանդեպ ցուցաբերած ամենօրյա հոգատարության և նյութական ու բարոյական շարունակական աջակցության համար:

Վերջում համայնքի ղեկավար Շ. Կարապետյանը ժողովի մասնակիցներին հավաստիացրեց, որ այսուհետև ևս ավագանու, գյուղապետարանի աշխատակազմի և անձամբ իր կողմից հնարավոր ամեն ինչ կարվի համայնքի առջև ծառայած խնդիրները մշտապես ուշադրության կենտրոնում պահելու և հնա - հավորինս լուծում տալու համար:

Համայնքի ղեկավար՝

Շ. Կարապետյան



10- ը հուլիսի 2013 թվական գ. Նորակերտ